



Cuntas Leithreasa 2014

Vóta 15

Rúnseirbhís

Réamhrá

Mar Oifigeach Cuntasaíochta do Vóta 15, tá sé de dhualgas orm an cuntas leithreasa don Vóta a ullmhú gach bliain, agus an cuntas a chur faoi bhráid an Ard-Reachtair Cuntas agus Ciste le hiniúchadh.

De réir an cheangaltais seo, tá an cuntas i gceangal leis seo ullmhaithe agam ar an tsuim a caitheadh sa bhliain dar críoch 31 Nollaig 2014 ar an Rúnseirbhís.

Cuirtear an toradh maidir le caiteachas i gcomparáid leis na suimeanna arna ndeonú ag Dáil Éireann faoin Acht Leithreasaithe 2014.

Dlítear barrachas €406,777 a ghéilleadh don Státchiste.

Is cuid den Chuntas é an Ráiteas faoi Pholasaithe agus faoi Phrionsabail Chuntasaíochta chomh maith le nótaí 1 go 3.

Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chuntasaíochta chaighdeánacha, maidir le cuntais leithreasa a tháirgeadh, chun feidhme agus an cuntas á ullmhú.

Ráiteas faoin Rialú Inmheánach Airgeadais

Tá an Ráiteas ar Rialú Inmheánach Airgeadais atá déanta maidir leis an Roinn Caiteachais Phoiblí agus Athchóirithe agus an Roinn Airgeadais infheidhmithe freisin maidir le heisiúint na n-íocaíochtaí ón Vóta seo.

Tá socruithe forordaithe i bhfeidhm leis an Roinn Dlí agus Cirt agus Comhionannais agus leis an Roinn Cosanta maidir le tarraingt anuas airgid ó Vóta na Rúnseirbhíse agus maidir le deimhniú bliantúil a fháil ó na hAirí iomchuí i leith an airgid iarbhír a caitheadh le linn na bliana agus i leith na n-iarmhéideanna ag deireadh na bliana.

Robert Watt

Oifigeach Cuntasaíochta

17 Feabhra 2015

Ard-Reachtair Cuntas agus Ciste

Tuairisc le cur faoi bhráid Tithe an Oireachtais

Vóta 15 Rúnseirbhís

Tá iniúchadh déanta agam ar an gcuntas leithghabhála do Vóta 15 Rúnseirbhís don bhliain dar deireadh 31 Nollaig 2014 faoi Alt 3 d'Acht an Ard-Reachtair Cuntas agus Ciste (Leasú) 1993. Ullmhaíodh an cuntas san fhoirm a forordaíodh ag an Aire Caiteachais Phoiblí agus Athchóirithe, de réir na mbeartas cuntasáochta caighdeánacha agus na bprionsabal do chuntais leithghabhála.

Freagracht an Oifigh Chuntasáochta

De réir Ailt 22 an Achta um Ranna Státchiste agus Iniúchta 1866, tá iachall ar an Oifigeach Cuntasáochta an cuntas leithghabhála a ullmhú. De réir an dlí, ní mór an cuntas a chur faoi mo bhráid faoi 31 Márta tar éis deireadh na bliana cuntais.

Tá an tOifigeach Cuntasáochta freagrach freisin as cumhdach na gcistí poiblí agus na réadmhaoine sin atá faoina smacht, agus as rialtacht agus geanas gach idirbhirt sna cuntais leithreasa.

Freagracht an Ard-Reachtair Cuntas agus Ciste

Tá iachall orm faoi Alt 3 d'Acht an Ard-Reachtair Cuntas agus Ciste (Leasú) 1993 iniúchadh a dhéanamh ar chuntais leithghabhála gach Vóta agus na tástálacha sin a chur i gcrích a measaim iad a bheith cuí do chuspóir an iniúchta.

Tar éis críochnú iniúchadh cuntais leithghabhála, tá iachall orm teastas a sholáthar a dhearbhaíonn más amhlaidh, i mo thuairim féin, go léiríonn an cuntas go cuí na fáiltais agus an caiteachas a bhaineann leis an Vóta. Tá iachall orm freisin tagairt a dhéanamh d'aon chás ábhartha mar

- ar theip ar roinn nó ar oifig caiteachas a chur i bhfeidhm a taifeadadh sa chuntas do na cuspóirí a bhí i gceist leis na leithreasuithe a rinneadh ag an Oireachtas, nó
- nach gcloíonn na hidirbhearta a taifeadadh sa chuntas ag cloí leis an údarás faoina maíonn siad a bheith curtha i gcrích.

Faoi Alt 3 (10) d'Acht an Ard-Reachtair Cuntas agus Ciste (Leasú) 1993, tá iachall orm tuarascáil a ullmhú gach bliain, faoi aon cheisteanna a eascraíonn as m'iniúchadh ar an gcuntas leithghabhála.

Scóip an iniúchta

Áirítear mar chuid d'iniúchadh scrúdú, ar bhonn tástála, fianaise a bhaineann le hábhar do shuimeanna agus do rialtacht na n-idirbheart airgeadais atá san áireamh sa chuntas chomh maith le measúnú i dtaca leis an gceist ar cloíodh le forálacha cuntasáochta *Ghnáthaimh Airgeadais Phoiblí* na Roinne Caiteachais Phoiblí agus Athchóirithe.

Do chuspóirí an iniúchta seo, cuireadh deimhniúcháin ar fáil dom ón Aire Dlí agus Cirt, Comhionannais agus Cosanta a thacaíonn leis an gcaiteachas ón Vóta.

Tuairim faoin gcuntas leithghabhála

I mo thuairimse, léiríonn an cuntas leithghabhála go cuí fáлтаis agus caiteachas Votá 15 Rúnseirbhís don bhliain dar deireadh 31 Nollaig 2014.

Seamus MacCárthaigh

Ard-Reachtair Cuntas agus Ciste

23 Márta 2015

Vóta 15 Rúnseirbhís

Cuntas Leithreasa 2014

	2014		2013
	Suim Soláthraithe sa Mheastachán	Toradh	Toradh
	€000	€000	€000
Caiteachas cláir			
Rúnseirbhís	1,000	593	587
	1,000	593	587

Farasbarr don ghéilliúint

Tá farasbarr na suime a soláthraíodh le hais na glansuime faoi dhliteanas don ghéilliúint don Státchiste.

	2014	2013
	€	€
Farasbarr don ghéilliúint	406,777	412,960

Nótaí a ghabhann leis an gCuntas Leithreasa

1 Ráiteas faoin gCostas Oibriúcháin 2014

Níl an nóta seo infheidhmithe i gcás Vóta na Rúnseirbhíse.

2 Clár Comhardaithe amhail ag 31 Nollaig 2014

	Nóta	2014 €000	2013 €000
Sócmhainní reatha			
Iarmhéideanna fochuntais		367	190
Iomlán na sócmhainní reatha		367	190
Lúide Dliteanais Reatha			
Iarmhéid ag an bPámháistir Ginearálta		289	206
Iarméideanna eile creidmheasa		—	—
Glandliteanas don Stáitchiste	2.2	78	(16)
Iomlán na nDliteanas Reatha		367	190
Glansócmhainní		—	—
Léirithe ag:			
Cuntas maoiniú Stáit	2.1	—	—
2.1 Cuntas Maoiniú Stáit			
	Notá	2014 €000	2013 €000
Iarmhéid ag 1 Eanáir			—
Eisíocaíochtaí as an vóta			
Soláthar meastacháin	Cuntas	1,000	
Farasbarr le tabhairt suas	Cuntas	407	
Vóta glan		593	587
Costas glan clár		(593)	(587)
Iarmhéid ag 31 Nollaig		—	—

2.2 Glandliteanas don Státchiste	2014	2013
ag 31 Nollaig	€000	€000
Leithreasaí farasbairr le tabhairt suas	407	413
Deontas ón Státchiste nár tarraingíodh	(329)	(429)
Glandliteanas don Státchiste	<u>78</u>	<u>(16)</u>
Arna léiriú ag:		
Féichiúnaithe		
Iarmhéideanna fochuntais	367	190
Creidiúnaithe		
Glaníarmhéid PMG	(289)	(206)
	<u>78</u>	<u>(16)</u>

3 Éagsúlachtaí sa Chaiteachas

Tá an meastachán tuairimeach ar bhonn riachtanais.